


Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4835/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4835/A




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4835/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4835/A


A . x x x v i i
4835 / A 7/5


71312














































Officiarium
Magistratus, Medicorum,
Amicorum,

P I C T U R A

Iustitiae, Aesculapi, Amicitiae
iam olim à viris veteribus naturæ pe-
rit ingeniosè adumbratum, nunc ve-
rò primum carmine dialogistico in-
clusum, & gravioribus Doctorum
flosculis vestitum ac expli-
catum.

Auctore

SIMEONE PARTLICIO
de Spitzberg Marcom. Phil.
& U. M. Doctore Math.
& P. C. C.



ANNO 1623

Tan DeM Reges IntelLeXer Vnt
bestias Inlq Vas.

REFURTI Typis Philippi witteli.
Impens. Johan. Birckneri Bibl.



Lycurgus in Orat.
contr. Leoc.

*Iratius ad pœnam DEUS si quos trahet,
Auferre mentem talibus primum solet,
Caliginemq; offundit, ut ruant suas
Frequenter in clades, sibi quas noxijs
Accersiverunt ultrô consilijs malis.*

Conscientia.

Exhilarat mentem recti mens conscia no-
stram :

Rebus in adversis dimidi umq; mali est.



VIRIS
*Clarissimis, Consul-
tissimis,*

D. HIERONIMO Bruckner, J. U. D.
Consuli Inclutæ Erfordienfium
Reipub. amplissimo,

nec non

Ejusdem Reipub. Syndicis consultiss.

D. SEBASTIANO Neve, J. U. D.

D. LAVRENTIO Norinbergio, J. U. D.

p. t. Magnifico, & Facult. Juridicæ
Decano spectabili,

D. DAVIDI HESSIO Jcto.

Atq;

D. HENNINGO Renneman J. U. D.

D. AVGUSTO Zeithofio J. U. D.

in Academia Erfordiana Profesforib.

Virus deniq;

Clarissimis, experientissimis

D. DAVIDI CRUSIO,

Medicinarum Doctori excellentiss.

D. JOHANNI Rehenfeld,

Medico-Phyfico ejusdem Reipub.
ordinario.

*Dominis, fautoribus, ac amicis suis in
debiti amoris ΤΕΝΕΥΕΑΟΥ*

D. D. D.

Autor.

PICTURA JUSTITIÆ.

Ege dignissimam esse virtutem Justiti-
am omnium Domi-
nam & Reginam
virtutum, Cicero dixit: (*offic. 3.*)
nec immeritò. Nam fruendæ
Justitiæ causa olim bene-mo-
rati Reges constituti sunt. Imò
ex Justitiæ fonte Regia potestas
orta est; optimates extiterunt;
nobilitatis principia fluxerunt.
Justitiæ admiratione Minos
& Rhadamantes, Pittacus &
Numa Pompilius, & alii com-
plures filii Jovis, & apud omnes
nobilissimi habiti sunt. Et pro-
fectò bon⁹ Princeps, cui curæ
sūt universa, quāquā alia magis,
alia min⁹ tuetur, nullam tamē
non Reipub. partem tanquā sui
nutrit:

nutrit: commoda civium non
 divellit; sed omnes eadem æ-
 quitate continet. *Senec. 1. de clem.*
 Requiruntur autem in civitate
 Lex & Magistratus. Si igitur lex
 deficiat, per lapsum nimirum
 humanæ providentiæ, relin-
 quendum hoc est Magistratui.
 Magna vis legis est, at major
 autoritas magistratus. In lege
 via est: at in Magistratu vita.
 Sine lege civitas langvescit; at
 sine Magistratu perit. Est enim
 Lex regula, quâ dirigitur: est
 Magistratus anima, quâ con-
 servatur. Si ergo lex erret, re-
 linquitur Magistratus ut erra-
 tum corrigat: nam aliquando bonus
 dormitat *Homerus*. Et fieri certè
 non potest, ut mens Solonis

A 5

omnes

omnes rerum vicissitudines
 omnesq; morum mutationes
 praevideat. Homo DEUS non
 est, nec omnia praesentia scire
 potest. Qui igitur Reipub. prae-
 sunt; duo Platonis praecepta
 maximè teneant: unum, ut u-
 tilitatem civium sic tueantur,
 ut quicquid agant ad eam re-
 ferant obliti commodorum
 suorum: alterum, ut totum
 corpus Reipub. curent, nedum
 partem aliquam tuentur, reli-
 quos deserant. Summos ergò
 cum infimis pari jure retineāt,
 ne queratur:

Quid faciant leges ubi sola pecunia regnat:

Aut ubi paupertas vincere nulla potest?

Væ enim illis, qui leges aranea-
 rum telis similes faciunt, in
 quibus

quib9 infirmiora animalia hæ-
rent, cum easdem valentiora
perrumpunt. *Plutarch. in Sol.*

His permoti olim viri pleno sa-
pientes pectore, effigiem lusti-
tiæ singulari industria pingere,
inq; eâ Regis & cujuslibet Gu-
bernatoris ad clavum Reipub.
sedentis 8. officia scitè adum-
brare soliti fuerunt. Ut nimi-
rum **Magistratus servet** 1.
Mentis puritatem. 2. affectuum lenita-
tem. 3. Prudentiæ perspicuitatem. 4. Ju-
dicii modum. 5. Poenæ aequalitatem. 6.
Personarū respectum spernat. 7. Simpli-
citatem & candorem amet. 8. Avariti-
am vitet.

Nota. Sequentes versus anti-
quos, paulò aliter disposui &
auxi.

Dialo-



Dialogus.

Justitia & Politici.

P. *Quæ Dea?* J. Justitia. (a) P. *Tu legum
Diva potens es;*

Nobile quæ sceptrum totius orbis habes?

J. *Sum Dea.* P. *Cur virgo?* J. *Sperno fera
toxica lingvæ;*

Fortius injusti pectus ad arma gerens:

P. *Lumine* (b) *quid torbo vultusq; gravi?*

J. *Quia flecti*

*Nescia sum lacrymis, nec prece, nec
precio.*

Parcere subjectis soleo & punire (c) *re-
belles;*

*Non nummi, me, non ira, furorq; re-
gunt.*

P. *Quod genus?* J. *A superis.* P. *Ex quo
Genitore?* J. *Modo.* P. *Ecquâ*

Matre? J. *Fide* (d) P. *Nutrix, quæ
tua?* J. *Pauperies* (e)

P. *Quis Deus infantem fovit?* J. *Prudentia.*

(f) P. *Quonam.*

Freta Duce, agnoscis crimina? J. *Ju-
dicio.* (g)

Est cujus radix fundamentumq; modusq;:

Ne facias aliis, quod tolerare nequis.

A

§

Cur

P. *Cur gladium tua dextra gerit? Cur leba
bilancem?*

J. *Ponderat hæc causas percutit ille
reos. (b)*

*Qui pariter peccant, pariter punire requi-
ro:*

*Non fit major, (i) vel crimine poena
minor.*

P. *Aurium aperta tibi cur altera, & altera
clausa est?*

J. *Hæc furda injustis, panditur illa
bonis. (k)*

*Si quis inauditis (L) ambabus partibus ul-
lum,*

*Jus profert, æquum fit licet, ille e-
quus est.*

P. *Quid rari assistunt?* J. *Quia copia rara
bonorum est.*

P. *Quæ comes assidua est?* J. *candida
simplicitas (m)*

P. *Paupere cur semper cultu? Justissimus
esse,*

*Qui cupit, exiguas semper habebit
opes. (n)*

Notæ

1. (a) *Aristides interrogatus, quid
eset Justitia? Aliena non con-*

cupiscere, respondit. Unde Theocritus: Ἀγαθὸν ὃ μὴ ἀδικεῖν, ἀλλὰ τὸ μὴδὲ ἐθέλειν. Et Pythagoras: Peregrinus, qui justus est, non cive tantum, sed etiam propinquo potior est. Euripides: βίον δικαίου γίνεται τέλος καλόν.

2. (b) Judicem, qui justitiæ est antistes oportet esse gravem, sanctum, severum, incorruptum, contra improbos immisericordem, atq; inexorabilem, nec huc, nec illuc, ab honesto oculos deflectere. Gel. lib. 14. c. 1. Unde proverb. ἐστὶν δικῆς ὁ Φθαλμὸς ὅς τὰ πανθ' ὁρᾷ.

3. (c) Duabus potissimum rebus continetur Respublica, præmio scilicet & pœna. Legibus enim Proposita
A 6 sunt

sunt virtutibus præmia, suppli-
cia viciis. Quis enim virtutem
amplectitur ipsam, præmia si
tollas? *Juv. Sat. 10.* Nam langve-
scit industria, intenditur so-
cordia, si nullus ex se metus,
aut spes. *Tacit. Anal. 2.*

4. (d) Noli intelligere, ut
credas, sed crede ut intelligas,
intellectus enim merces fidei
est. *Aug. sup. Joh. & Ambros. de Trin.*
Aufer argumenta, ubi fides
quæritur, in ipsis Gymnasiis
jam Dialectica taceat: piscato-
ribus creditur, non Dialecticis.

5. (e) Si te paupertatis ca-
minus exeoquit, noli despon-
dere animum. Hæc enim est ti-
bi manu ductrix ad virtutem:
est unctio athletica ad labores:
est

est exercitatio ad doctrinam :
 est portus deniq; tranquillus
 ad gloriam. *Chrysoft. sup. Epist. ad*
Hebr. Et Stobæus de Arcefi. Pauper-
tas est efficax Gymnasium vir-
tutis.

6. (f) Sine prudentia ne
 intelligi quidem ulla virt⁹ po-
 test. *Cic. Tusc. quest. l. 2.* Est enim
 teste Demosthene, omnis vir-
 tutis principium, prudentia, fi-
 nis autem fortitudo: & illa qui-
 dem exploratur quid facto sit
 opus, hac autem conservatur.
 Et Crito: ὁ Φρόνιμος ὁ ἀσπείρις ὁ δὸν
 τὸν βίον, ὁ τὰ πολλὰ ἄξια σωτὴρ
 σιν ἐφόδια, ἀλλὰ τὰ ἀναγκασιότατα.
 Unde Sophocles: Ὡς ὁ Φησὶ ἐν ὀφθαλ-
 μῳ, ὁ νοῖς ἐν τῇ ψυχῇ. Et Socrates:
 Neq; equo sine fræno, neq; di-
 vitis sine prudentia tutò uti

possumus. Et Seneca de 4.
virtut. Si prudens est animus
tuus, vitæ actiones tribus tem-
poribus dispensa: *Præsentia or-
dina: futura prævide: præterita recor-
dare.* Nam qui nihil de Præte-
ritis cogitat vitam perdit: qui
nihil de futuro præmeditatur,
in omnia incautus incidit.

7. (g) Judicet ille de alteri-
us errore, qui non habet in se
ipso, quod condemnet: judi-
cet ille, qui non agit eadem,
quæ in alio putaverit punien-
da. *Aug. & Isidor de sum. bon. lib 3.*
Gravius lacerantur pauperes
à pravis iudicib. quàm à cruen-
tissimis hostibus. Nullus enim
prædot tam cupidus in alienis,
quàm iudex iniquus in suis.

8. (h)

8 (h) Seneca de Clem. in
 vindicandis impiis tria confi-
 deranda. 1. aut ut is, qui puni-
 tur, emendetur. 2. aut ut pœ-
 na ejus cæteros meliores red-
 dat. 3. aut, ut sublati malis,
 cæteri securiores vivant.
Et Pythagoras: Qui de malis pœ-
nas non sumunt bonos injuri-
is afficiunt. Cave igitur ne dum
ignoscis malis, bonos perditum eas.
 Salust. Inгур. Maxima enim il-
 lecebra peccandi est impunita-
 tis spes. Cic. pro Mil. Etiam, qui
 uni improbo parcit, multis bonis mina-
 tur. Pub. Contra: unius im-
 probi supplicio, multorum
 improbitas coërcetur. Cic. 3.
 Act. Verr. Et utilius est impro-
 bi supplicio multorum
 improbitatem coërcere,

quàm propter multos impro-
bos uni parcere. *Id S. Art. in Verr.*
Itaq; haud patiendum licenti-
am scelerum, quasi rabiem ad
integros producere. *Salust. unde*
Ovid.

Immedicabile vulnus
Ense recidendum est, ne pars sincera
trahatur.

9. (i) Crudeles sunt qui pu-
niendi causam habent, modum
non habent. *Senec. 1. de clem.*
Nunquam iratus, qui accedit
ad poenam, mediocritatem il-
lam tenebit, quæ est inter ni-
mium & poenam. *Cic. 2 offic.*
Unde, summum jus antiqui
summam putarunt injuriam.
(crucem) *Colum. l. 1.* Et Democritus:
μὴ οὐδὲν θεοφιλέες ὄντες ἐχθρὸν τὸ
αἰδέεσθαι. Unde Sigilm. à Sarau
Stiriæ

Stiriæ nobilis, dicebat: Justitia
remotâ ad legum normam o-
mnia regente, nihil esse regna
nisi magna latrocinia.

10. (k) Phocylides. Non
fer judicium, si non sunt ambo
locuti. Huc pertinet.

Imago Judicis Justi.

Olim Pellæus juvenis cum forte sederet
Judex, & Actor alteram
Interea digito prudens occluderet aurem;
Interrogatus à suis:

Cur nam sic faceret: Satis Actori est, ait,
una,

Servo alteram integram Reo.

11 (l) Seneca: Qui aliquid statuit
parte inaudita alterâ,
Æquum licet statuerit, haut æquus fuit.

12 (m) Qui cupit divinita-
tis tenere fastigia, simplicitatis
& humilitatis ima sectetur.
Quicumq; vult fratrem præve-
nire

venire regnando, prius illum
præveniat obsequendo. Qui
enim fuerit patientior ad inju-
riam, is potentior instituetur
in regno.

13. (n) Cic. lib. 2. de Rep.
Justitia præter cæteras totam
se ad alienas utilitates porrigit,
atq; explicat. Et lib. 2. Offic.
Justitia mirifica quædam res
multitudini videtur: Nec in-
juria. Nemo enim justus esse
potest, qui mortem, qui dolo-
rem, qui exilium, qui egestatē
timet: aut qui ea, quæ sunt his
contraria æquitari anteponit.
Et paulò inferius: Itaq; illa tria
quæ proposita sunt ad gloriam,
omnia justitia conficit: et be-
nevolentiam, quod prodesse
vult

vult plurimis: et ob eandem
causam fidem & admirationē,
quod eas res spernit, & negli-
git ad quas pleriq; inflammati
aviditate rapiuntur. Unde

Isoocrates: ποσούτω κρείττον διηγοσύνη
χρημάτων, ὅσα γὰρ μὴ ζῶντας μόνους
ὠφελεῖ, ἢ δὲ καὶ τελευτήσασιν δόξον
παρασκευάζει. Κακείνων μὴ τοῖς

φάσιν μέτεσι, ταύτης δὲ τοῖς

μοχθηροῖς ἀδύνατον

ἔλαβεῖν.



II.

PICTURA ÆSCULAPI.

Æsculapius, Hermetis Trismegisti (qui fuit auditor Noachi & Chusi Pædagogus, ejusq; liberorum Isidis & Osiridis præfectus) discipulus, ex Ægypto in Græciam attulit Medicinam: & quidem tantum cum successu, ut Glancum Androgeonem, & Hypolytum Thesei filium, qui in deliquium animi inciderat, Virgilio monitore, pæoniis revocatum herbis, huic luci restituisse, opinione vulgi, sit creditus, divinisq; honorib⁹ adeò cultus, ut non saltem regnum ibi condiderit, sed & Medicinæ inventor celebratus fuerit, quemadmodum

modum ipse testatur apud
Ovid. lib. 15. Met.

*Inventum Medicina meum est opiferaq; per or-
bem.*

Dicor, & herbarum subiecta potentia nobis.

Hinc moti viri veteres na-
tura periti, effigiem Æsculapi
admodum ingeniosâ inventio-
ne pingere inq; eâ octo Medici
officia haut inscitè adumbrare
soliti fuerunt. Requiruntur ni-
mirum in Medico 1. Vigilantia & se-
dulas. 2. Judicium. 3. Prudentia.
4. Cogniti morbi convenientibus medi-
camentis curatio. 5. Labor assiduus.

6. Non lucri, sed salutis egrorum
cupiditas. 7. Dieta prescri-

ptio. 8. Ætas & do-
ctrina.

Dia-



Dialogus

Philiatri & Æsculapi.

Ph. *Quis DEUS? Æ Æsculapius.* Ph.

Capiti cur Noctua fidet,

Æ. *In studijs Medicum (a) perpetu-
um esse jubet.*

P. *Quid sibi vult asper Baculus Capitisq;
Galerus?*

Æ. *Omnia quàm cautè sint peragē-
da docent (b)*

*Videlicet Medicus iusta libret omnia lance;
Et vires ægri, remmediq; modum.*

P. *Callidus at collo cur circumvolvitur
Anguis?*

Æ. *Cautelà quà sit danda medela
docet. (c)*

P. *Squamosum ducit cur cum Cane dextra
Draconem?*

Æ. *Qua morbi tollas innuit arte
malum:*

*Servādo sanum corpus morbumq; fugan-
do: (d)*

*Et propè terribilem ritè domando
necem.*

*Insuper & vires rerum benè scire latentes
Quèis abigas Tutò & tot nocumenta
Citò.*

P. *Cur*

P. Cur *Pini Pomum gestas vibrasq; sinistra?*

Æ. Hæc ars concusso non nisi cortice
agit.

Scilicet in molli jacet haut Medicina the-
atro,

Quam Macrocosmus, quam vel Micro-
cosmus alit. (e)

Huic si tu cœli (f) junges Chymicosq; la-
bores (g)

Quàm benè Doctoris nomine dignus
eris.

P. *Ales cur lateri adstat?* Æ. Proxima nem-
pè salutis

Est ratio Medico, nullaq; habenda lu-
cri (h)

P. *Aligeri in dextra Pallus?* Æ. Servare
diætam (i)

Quidve ægro profit, quid noceatvé, do-
cet.

P. *Sed quid id est, quod sis canis oblitus &
Annis?*

Æ. Ætas Doctores (k) arsq; laborq; de-
cet.

Artis enim ignorans usum (l) quicumq;
medetur,

Haut meruit *Medici* nomen habere
boni.

Notæ

Notæ.

1. (a) Medicinam omnium artium esse & nobilissimā & difficillimam ostendunt 1. Subjecti nobilitas, quia nō sordidi alicujus opificij, sed humani corporis Medico cura demandatur. 2. Requisitorum ad hanc varietas: ut sunt infinitarum disciplinarum cognitio; absoluta singularum Medicinæ partium eruditio: incredibile judicium: ingenij non vulgaris solertia; usus ac experientia diurna.

2. (b) Judicium versatur in distinctione similiū ac dissimilium, causarum, corporum, signorum & remediorum: ex quā distinctione optimè perspecta.

B

specta.

spectà, cognoscendi, prædicen-
 di, ac medendi ratio compara-
 tur. Unde nîl mirum est, judi-
 cium esse difficile *Hipp. Aph. lib. 1*
 Præclarè celsus: Est perpetu-
 um in Medicinà, quod fieri de-
 beat, non tamen perpetuum
 est, quod sequi conveniat. Mul-
 ta plerunq; solitaria ratio sua-
 det, quæ usus coarguit. Quare
 accedat iudicio, experiencià:
 alioqui, ut ait Salustius, utrum-
 q; per se indigens; alterum al-
 terius auxilio eget.

3. (c) Humana Natura ex
 Physicis rationibus à Medico
 indaganda est: ut sciat 1. Quid
 sit, & ex quibus fabricatus ho-
 mo?

mo? 2. à quibus, & quomodo
humana natura afficiatur?
3. Quæ sit cognatio alimanti
vel medicamenti cum corpo-
re cujusq; hominis? 4. Fa-
cultates medicamentorum,
& quæ mala, ex quibus succis
nascantur.

4. (d) Medici præcipua
officia sunt 1. Sanitatem ab
omni languore tueri. 2. Mor-
bum exquisitè cognoscere.
3. Cognitum Medicamenti
convenientibus curare *Tuto*,
Jucundè, *Cito*. 4. Mitigare
Symptomata. 5. Refice-
re convalescentes. 6. Foyes-
re Senes.

B 2

5. (e)

5. (e) Medicus nascide-
 bet ex lumine Naturæ & Gra-
 tiæ. Firmamentum est lumen
 Naturæ, quod homini omnia
 naturaliter influit. Sicut enim
 corpori suus crescit è terra vi-
 ctus & medicamenta: ita etiam
 sidereo hominis Spiritui ab i-
 gne firmamenti suus provenit
 cibus, artes omnes etc. Cœlum
 enim est pater & Doctor om-
 nium artium, exceptâ Theole-
 giâ, quæ à Spiritu S. discitur.
 Lumen Gratiæ verum Theo-
 logum gignit, non tamen sine
 Philosophiâ. Lumen Naturæ
 verum Philosophum efficit,
 non tamen sine Theologiâ,
 quæ fundamentum est veræ
 Sapientiæ. Medicamenta igitur
 tur

curerunt
 cura, non
 pizunt
 ter hze
 inferiore
 morbis.
 Mineral
 fumma.
 6. (f)
 syderum
 co hauc
 rando &
 Hæcqu
 Hippo
 pidem
 dixit, d
 atq; gr
 vicit, h
 Graci
 tum a

tur eruuntur ex Lumine Natura, non sine ingenti labore, præeunte lumine Gratiæ. Inter hæc vegetabilium sunt inferiores vires in curandis morbis. Animalium maiores. Mineralium & Metallorum summa.

6. (f) Astrologia, hoc est syderum cursus notitia, Medico haud sanè levia affert in curando & præfagiendo subsidia. Hæc siquidem mediante M. ille Hippoc. pestilentias, aliosq; Epidemios morbos plures prædixit, discipulosq; suos, simul atq; gravius hoc malum prævidit, huc illuc per universam Græciam in mortalium solatium ablegavit *Et Gal. lib. 8. de in-*

gen. sanit. c. 20. Medicos ignaros.
 Astronomiæ homicidas vocat
 Undè non possum satis non
 mirari, non nullorum pastorū
 ignorantiam, qui cum stolidi
 nihil solidi effutire possint, A-
 stronomiam S. scripturæ sini-
 strè detortis sententiis, vulgo
 exosam reddere cupiunt; cum
 tamen de his tantum judicare
 possint, quātum simia de aliis
 ne dicam asinus de Lyrā. Sed
 hāc de re fusiūs in nostrā mun-
 di aureā harmoniā, & Astrono-
 mico Apologetico.

7. (g) Nemo est, qui du-
 bitet chymiam esse artem prae-
 stantissimam, ut quæ tot DEI
 Optimi Max. opera patefacit,
 tot

tot pandit Naturæ arcana, tot
 ante hâc ignotas pharmaco-
 rum præparationes, herbarum
 deniq; animantium, minerali-
 um ac omnium penè rerum
 abditos & in ipso naturæ sinu
 reconditos usus depromit, ut
 in humanum genus ingrat-
 sint, qui sepultam illam vo-
 lunt.

8. (h) Medico plus curæ
 sit salus hominum, quàm bursa
 monentium *l. i. §. i. de extr.*

9. (i) Si quis sese regeret
 ut equum suum, à multis præ-
 servaretur morbis. *Rabbi Mos.*
 Ex intemperantiâ enim, & va-
 rio ciborum genere, ma-
 gna morborum seges oritur.

B 4

Sunt

Sunt autē in homine triplices morbi. 1. Ex igne & aëre, quæ duo elementa generant & inficiunt hominis spiritum; Unde sunt morbi, quos Epidemios vocamus, & Astrales. 2. Ex aquâ & terrâ, quæ duo constituunt & causant tartarum, calculum, & omnes morbos tartareos. 3. Ex Ente & semine parentum, & illi continent in se: 1. Quatuor cursus elementorum, undē omnes morbi accuti. 2. Septem cursus Planetarum; unde morbi Chronici, qui durāt, quamdiu durat cursus illius Planetæ. 3. Quatuor cursus humorum, unde sunt salia, & quidem diversi saporis, quæ Galenistæ humores vocāt.

4. Quatuor cursus qualitatum;
unde sūt complexionēs Sang.
Chol. Phleg. Mel.

10. (k) Consilii præstan-
tia non ex annorum numero
pendet, sed ex ingenii sagaci-
tate, & singulari industriâ
Isocrat. in Archid.

II (l) Usus enim rerum e-
gregius Magister habetur. Et
quæritur: Uter Medicorum præse-
rendus; Theoricus ne qui Dietam præ-
scribit: an Practicus, qui morbo quàm
optimè nôrit mederi, sanitatemq; certâ
potius, quàm subitam restituere?

Sed hic tenendum illud:

*Non verbis sed herbis morbi
curantur.*

III.

P I C T U R A

A M I C I T I Æ.

Amicitia, quæ affabilitas dicitur, est pars Justitiæ, quia est ad alterum, licet non habeat debitum nisi honestatis. Is enim amicus est, qui est tanquã alter idem. Unde Hieron. teste, *de amicitia tollenda est omnis suspicio, & sic cum amico quasi cum altero sese loquendum.* Natura enim solitarium nihil amat, semperq; ad aliquid, tanquam ad miraculum annititur. Unde Cicero: *Solem, inquit, e modio tollere videntur, qui amicitiam e vita tollunt.* Amicitia

citia autem, quæ desinere potu-
 it, nunquam fuit vera. Errat
 etiam, qui amicitiam in atrio
 quærit, & in convivio probat.
Ishod. lib. 3. Certissima autem re-
 gula discernens veros & siace-
 ros amicos à fucatis, & simu-
 latis, est calamitas. Is enim a-
 micus est, qui in re dubiâ, re ju-
 vat, ubi re opus est. *Euripid.*
 Nam in prosperitate incerta
 est amicitia: Nescitur enim
 utrum persona, an felicitas di-
 ligatur? Unde recte:

Dùm fortuna juvat vultum servatis
Amici;
Dùm cecidit turpi vertitè ora
fuga.

Sæpè enim per simulationem
 B 6 colitur

colitur Amicitia, ut qui non potuit apertè, fraudulèter decipiat. Interdum propter quorundam honores, mutantur & mores: & quos ante conglutinosos Charitate habuerunt, postquam ad culmen honoris veniunt amicos habere despi-ciunt. Hinc veteres ingenio-sissimè amicitiae picturam fin-xerunt, quâ sinceri juxta & non simulati amici officia & scitè ad-umbrârunt. *In amicis enim requi-ritur 1. Amoris augmentum. 2. Candor non fucatus. 3. Copula amicitiae sine-ra. 4. Amor ex corde proveniens. 5. Amicitiae cultura cum omnibus honestis, etiam pauperibus. 6. Constantia in ad-versis 7. Amor etiam absentis amici. 8. Dilectio in vitâ & morte.*



Dialogus.

Sodalis & Amicitia.

S. *Quæ DE A? Quis juvenis vernanti flore tenellus!*

A. Conscia nec fraudis, nec doli
Amicitia

S. *Cur juvenis?* A. crescens, crescentem
pascit amorem,
Ætas, (a) cœu viridi in palmite gem-
ma virens.

S. *Sed quid frons picta nusquam decorata calyptrâ?*

A. Candorem in vero quærit amo-
re pium, (b)

S. *Cur coma fronte jacet?* A. venientem
ut prendere possis;
Et dextram dextræ jungere amici-
tiæ (c)

S. *Quid scis sum penetrabile secreti cordis?*
(d) A honestum,
Fraude doloq; carens usq; requirit
opus:

Condis amicitias: prius elige commoda
cordis; (e)

Ne det *Amicorum* copia damna tibi.

Non.

Non scelus occultet fraus, non injuria
linguæ;

Non ornet veritatem fictio voce dolos.

S. *Quid filo tenui toga texta?* A. colendus
honore,

Æquā vel Cræsus, lege, vel Irus erit.
(f)

S. *Quid sibi vult Æstas & hyems hirsuta?*
A. vacillet

Ne promissa semel, vel data amica
fides.

Neve, juvat dum fors, ad sis, sed dum tonat
indè

Aufugias, (g) hyemem ut turpis hi-
rundo fugit.

S. *Quid Longè, Propè?* A. Quod distan-
tia nulla locorum,

Ingenue ceptas solvit amicitias. (h)

Sed licet extremos fato sis pulsus ad In-
dos

Hospes, sub memori pectore amicus
erit.

Ut tibi collatus juvenis Phœceus Orestem

Oderit, & spernat Thesia Pyrrhous:

Sycanium Pyladem credatur fallere Da-
mon;

Vixq; bonum franis Castora frater
amet.

Quid

H. Quid *Mors*? Quid *Vita*? A Esse adeo
aspera nulla favoris
Vincula, quæ facili solvere lege que-
ant (i)

A. Ergo cœrulei donec convexa tueris
Olympi,
Et tua dum calido vena cruore salit
Nunquam pro sociâ renuas succumbere
morti:

Sis meus in vitâ; sis meus inq; nece.

Notæ

1. (a) Salust. Ut amico-
rum copia tibi sit operam da-
to. lis enim temporibus, lo-
cis, & casibus tibi præfuturi
sunt, quibus haud credas. Pre-
ciosissimus enim thesaurus est,
& omnibus opibus antecellit
amicus prudens & benevolus.
Herodot. Et nihil est quod ad
rem se ullam tam alliciat, quã
ad amicitiam similitudo. Hinc
boni bonos diligunt, sibiq; ad-
sciscunt,

sciscunt, q. propinquitate conjunctos atq; natura. Magnam enim vim habet ad conjungēdas amicitias, studiorum ac naturæ similitudo: *Cicer.* Addo ergo, siderum etiam cœlestium in nativitatib. dispositio cursus & occurfus.

2. (b) *August.* Sicut amici adulantes pervertunt, sic inimici litigantes plerunq; corrigunt. Amicitia ergò, quæ non placent, dissuenda magis, quàm discindenda sunt. *Cato M*
Nam ut monere & moneri proprium est veræ *Amicitia* & alterum liberè facere, nō asperè: altrem patienter accipere, non repugnanter: Sic habendum, nullam in amicitiiis peñe esse

esse maiorem, quam adulatio-
nem, blanditias, assentationē
Cic in Læl.

3. (c) Obsecro te, inquit
Seneca, ne amicū, qui diu quæ-
ritur, vix invenitur, difficile
servatur, pariter cum oculis
mente amittas. Sunt autem
quatuor species amicitiae:

1. *Amicitia studiosorum est ex honesto.*
2. *Aulicorum ex poculis.* 3. *Militum*
- ex periculis* 4. *Mercatorum ex utili.*

4. (d) Sicut sol largitur vitam
omnibus rebus in Macrocos-
mo: ita cor Microcosmum, h.e.
hominem vivificat: & in hoc
est sedes amoris:

Nam

Nam *Amor fidelis non in atrio domus ;
Sed in recessu pectoris fixit larē
Hic est honoris atq; virtutis locus,
Unde enitescunt actiones inclutæ,
Quas fama clara, & perennitas
sarrat.*

5. (e) Ambros. Solatium
vitæ est amicus, ut habeas cui
pectus aperiās, arcana com-
munices, qui in prosperis gra-
tuletur, in tristibus compati-
tur & adsit. Et August: *Amicus
dimidium est anima, medicamentū vitæ.*
Unde istud: Amicorum com-
munia sunt omnia 9. Ethic. hoc
est, ex consensu & favore, non
ex jure.

6 (f) Cic in Læl. Ut benefici li-
beralesq; sum⁹, non ut exigam⁹
gratiam

gratiam (neq; enim benefici-
um foeneratur) sed natura pro-
penſi ad liberalitatem ſumus:
Sic amicitiam non ſpe merce-
dis adducti, ſed quod omnis e-
jus fructus in ipſo amore in eſt,
expetendam putemus.

7. (g) Cic. 4. ad Heren.
Ut hirundines æſtivo tempore
præſto ſunt, frigore pulſæ rece-
dunt: ita falſi amici ſereno vi-
tæ tempore præſto ſunt, ſimul
atq; fortunæ hyemem vide-
rint, devolant omnes. Et ut
aurum igne, ſic benevolentia
fidelis periculo aliquo perſpici
ſolet. Cic. Pap. Fam. 9. Ergo
plures amicos re ſecundâ com-
pares: Paucos rebus adverſis
proba. Pittacus.

8. (h)

8. (h) Arist. Distantia loci non separat amicitiam, quia animorum conjunctio est. Igitur in præsentiā amicū ama; in absentia lauda: in necessitate proba. Et Seneca: omnia cum amico delibera, sed de ipso prius; post amicitia credendum est, ante amicitiam judicandum. Nec tamen absentem propter præsentem deseras. Amici enim novi, non sunt veteribus anteponendi, ut equis vetulis, teneros antepondere solemus. Non enim amicitiarum esse debent, sicut aliarum rerum societates: Verrima, quæq; (v)avissima esse debent: novitates tamen non repudiandæ; vetustas autem suo

suo loco conservetur. Cic. in
Lab.

9. [i] Amicus fit in vita,
in morte & ad aram usq;: Un-
de Pericles amico roganti, ut
pro se falsum diceret testimo-
nium, cui erat adjunctum jus-
jurandum, respondit: *Se quidem
amicum esse, sed usq; ad aram.*
Sentiens gratificandum quidē
amicis, sed citra violationem
religionis. Hinc fit, quòd sæpi-
us amicitia dissolvantur: & ex
amicis fiunt acerrimi hostes.
Unde Eras. Qui ex balneo calent, vehe-
mentiùs frigescunt; & aqua frigidior
esse solet, quæ priùs caluit: ita vehemen-
tiùs sese oderunt, qui priùs fuerunt ami-
ci: & sceleratiores sunt, qui à piâ
viâ, ad impiam se transtulerunt.
Et

Et Chrysoſtomus de amicis ſi-
bi invicem natis: Sie ſind wie
ein ſiedender Topff: Denn wenn
ſie für Grimme oberlauſſen / ſo
leſchet jr bitter Gallenwaſſer
das Feuer der Liebe
auß.



Quod

Quod *Lex* colligit, aut *Ars*,
Hoc *Venus* eripit, aut *Mars*.

Non benè conveniunt, nec in unâ sede
morantur;

Lex, *Venus*, *Ars* & *Mars*, qui imperium
orbis habet,


Mars Veneris socius corrumpit corpore
nostra;


Hæc eadem reparat *Legis* & *Artis* amor.
Ars animi bona defensat, *Lex* corporis atq;
Fortunæ, id *Martis* dissipat omne furor.
Est & *Lex* mihi *Mars* hoc *Martis* tempore
non *Ars*:


Quò mihi *Lex* & quò *Ars*, si modò *Lex*
mihi *Mars*?


E I N I S.







































































129